

金剛秘密善門陀羅尼經

失譯人名附東晉錄

如是我聞一時世尊安住菩提樹下與大弟子舍利弗目犍連等而為上首復有無量諸大菩薩摩訶薩其名曰金剛幢菩薩金剛藏菩薩彌勒菩薩賢劫大士亦為上首爾時金剛密迹菩薩承佛威神發如是言惟願世尊分別演說善門陀羅尼當為世間作大照明除滅怨害惡友毒心若天龍夜叉羅刹鳩槃荼人及非人諸大鬼神噉人精氣左道蠱毒怨家詐誣伺人短者如是無有救護之處如來大慈當為除滅怖畏等事安止眾生於清淨地行住坐卧乃至夢中常當守護不令憂惱有是利故我今勸請大悲調御當為說之亦當救護大乘人心令其堅固功德智慧不

退之行悉除怨害命不中天爾時金剛密迹菩薩勸請佛已瞻仰尊顏心有顧念爾時世尊大悲導師發大雷音聲徧世界讚歎密迹菩薩善哉善哉善男子汝今真是菩薩之人能為眾生得安樂故發如是問我今亦為一切眾生當說此善門陀羅尼爾時密迹喜未曾有惟願矜愍善分別之於時世尊告大士言諦聽諦聽善思念之吾當為汝演暢其義密迹言唯然受教即說呪曰

多經他 漚究牟究 摩比尼 摩陀尼 槃羅遮 吟那休 休休利 跋多 莎訶 爾時世尊說此灌頂陀羅尼已復更宣說陀羅尼句

多經他 跋闍 跋闍 跋闍達梨 跋闍 波泚 跋闍毗泚 跋闍大地 遮迦羅跋

時 遮迦羅達梨 達梨 達梨 跋梨
牟梨 遮隸 休休利 波伽 頻毗梨
梨梨尼 留留志 遮梨 周梨 牟梨
曼荼梨

此持名善能除滅一切過惡亦除一切四百
諸疾復能令人命不中天

多經他 摩荼尼 伽伽羅尼 牟荼尼

僧波羅牟荼尼 那奢尼 那奢尼 那奢

尼 婆陀尼 蚩真堯 蚩真堯 毗梨

摩梨呵多尼 跋梨婆梨 婆地毗 地毗

梨 留娑梨 奢羅寧羅和寧 羅和那荼

蛇 跋羅摩遮梨那 伊陀羅婆泐 地地

羅蛇尼 那無摩 醯奢婆羅 梨師婆摩

呼尼 波波閣摩呼尼 迦羅婆地 呼施

婆地 蘇摩婆泐 蘇摩婆羅鞞莎呵 多

經他呵羅呵羅 希羅伊大摩婆遮婆伽婆

莎呵 迦經多阿堯那 阿梨閣婆尼 迦

伽大尼 阿多荼呵尼 末伽毗 盧呵尼

休娑婆泐 呼娑婆泐 希利希利蛇他時

蛇他祁尼 蛇他波蘭遮 蛇他婆餒 蛇

他婆嵐 蛇他希利軌 莎訶

爾時世尊說此金剛秘密善門陀羅尼欲令

人天獲大饒益永離苦難常處安樂如是持

者過去諸佛已說教化未來今佛亦共宣說

佛告金剛密迹菩薩善男子大悲愍念一切

衆生故我今說之爾時世尊說此持時於其

肉髻無見頂上出大人相光照明赫奕徧照

十方無量世界時諸佛土亦復自然涌出光

明艷色希有殄滅一切所有幽冥時十方人

天異類咸覩是相生希有心皆作此念有何

四六

九

因緣而現是相光徧世界爾時諸佛告衆會
曰善男子諦聽有佛世界名曰娑婆佛號釋
迦牟尼如來大悲憐愍一切衆生令安樂故
說是善門陀羅尼是時衆會聞其佛說釋迦
威德力皆同發聲讚歎釋迦希有善哉能於
娑婆生大悲心爲安天人故說是持此持希
有乃是無相真實智慧之所宣說我等願樂
勤修行之得是持已亦當如是出生大悲教
化衆生諸佛讚言善哉善哉善男子欲行此
善門陀羅尼者常於晨朝嚙木澡漱燒香散
華攝心讀誦不令馳騁於諸境界所以者何
此持乃是三世諸佛持說教化汝等應當憶
念如說修行五辛酒肉所不經口梵行居心
除捨緣務於寂靜處然後讀誦能令行者得
大功德無邊智慧欲行善門陀羅尼者當發

誓願乃至成佛莫令廢忘恒於晨朝讀之一
徧若求現願七日七夜勤而行之無不果遂
惟除過去有重罪者於今少時不能令盡其
餘諸業無不除滅修一切諸善乃至涅槃悉
皆能得具足二十功德之利何等二十所謂
長命盡壽名稱資生色力無病勇猛精進諸
佛護念其心調柔諸天護助願行善行思甚
深義精勤不怠光顏怡悅相好具足辯才無
畏增滿善根是故世尊說此金剛秘密深奧
善門陀羅尼汝應憶念至誠修行所以者何
如此持者於諸持中最爲吉祥爾時金剛密
迹菩薩白佛言世尊我今愍念擁護一切衆
生令得安樂除諸衰惱不令諸惡得其便也
多經他 尼企尼企 志志志志 娑婆娑
婆 留留留留 時時時時 迦羅 迦羅

迦羅 迦羅 四六 希利 希利 十 希利 希

利 破破破破 摩摩摩摩 呵那 呵那

呵那 呵那 大呵 大呵 大呵 大

呵 婆菟 阿伽耶 希帝利 莎呵

爾時世尊讚金剛密迹言善哉善哉大士乃

能說此大威神呪擁護一切皆得安隱益其

精氣不令諸惡人非人奪其精氣者得其便

爾時大梵天王及諸眷屬即從座起偏袒右

肩合掌白佛言世尊我今亦欲隨喜佐助受

持讀誦善門陀羅尼者增長衆生壽命色力

除其衰患使無伺求得其便者惟願世尊加

哀護助得如所願

多經他 希利 彌利 泚利 莎呵 跋

嵐 阿摩 富梨 莎呵 跋嵐 摩卑

婆羅 羯埤 弗波僧多梨 莎呵

若有善男子善女人欲行此持者常於晨朝

清淨澡漱已至心讀誦爾時釋提桓因即從

座起偏袒合掌白佛言世尊我今亦欲擁護

一切衆生不令諸惡人非人奪精氣得其便

也即說陀羅尼句

多經他 毗尼婆羅尼 四六 婆大羅摩陵持 十一

拵致置 瞿梨乾陀梨 婆羅摩羅泚 呵

那摩就多羅尼 大羅摩利尼 遮迦羅婆

翅 睽婆梨 睽婆梨 莎呵

行此呪法常於晨朝清淨已至心讀誦

爾時四天王即從座起偏袒右肩合掌向佛

而作是言我等亦欲擁護一切衆生不令諸

惡人非人伺其惡者得其便也

多經他 弗羅修弗羅 頭摩波梨呵離

阿利夜波羅泚 羶泚涅目泚 末伽梨多

兜泯兜 莎呵

此呪常於晨朝清淨已至心讀誦爾時釋迦牟尼佛即舉右手讚歎梵釋四天王言善哉善哉汝等善能宣說諸佛所持陀羅尼句爾時世尊告金剛密迹菩薩善男子若有得聞善門陀羅尼心無疑惑能於晨朝清淨三業已至心讀誦所得功德不可稱計

金剛秘密善門陀羅尼經